

## ՀԻՄՆԱՎՈՐՈՒՄ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ՎԱՐՉԱՎԱՆ ՏԱՐԱԾՔՈՒՄ ՀԱՆՐԱՅԻՆ ՍՆՆԴԻ ԿԱԶՄԱԿԵՐՊՄԱՆ ԵՎ ԻՐԱԿԱՆԱՑՄԱՆ ԿԱՆՈՆՆԵՐԸ ՍԱՀՄԱՆԵԼՈՒ ՄԱՍԻՆ» ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Սույն նախագծի ընդունման անհրաժեշտությունը պայմանավորված է «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 40-րդ կետի՝ համայնքի ավագանին սույն օրենքով սահմանված կարգով սահմանում է համայնքի վարչական տարածքում հանրային սննդի կազմակերպման և իրականացման կանոնները, պահանջը կատարելու հանգամանքով:

Որոշման նախագծով առաջարկվում է սահմանել Հայաստանի Հանրապետության Կոտայքի մարզի Բյուրեղավան համայնքի վարչական տարածքում հանրային սննդի կազմակերպման և իրականացման կանոնները՝ համաձայն հավելվածի:

Հավելված

## ԿԱՆՈՆՆԵՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ՎԱՐՉԱՎԱՆ ՏԱՐԱԾՔՈՒՄ ՀԱՆՐԱՅԻՆ ՍՆՆԴԻ ԿԱԶՄԱԿԵՐՊՄԱՆ ԵՎ ԻՐԱԿԱՆԱՑՄԱՆ

### 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում է Բյուրեղավան համայնքի վարչական տարածքում հանրային սննդի կազմակերպման ու իրականացման կանոնները:
2. Սույն կանոններում օգտագործվող հասկացություններն են՝  
**Հանրային սնունդ** (սննդի ապահովման ծառայություններ)՝ խոհարարական արտադրանքի պատրաստման, իրացման և (կամ) սպառման կազմակերպում,  
**խոհարարական արտադրանք**՝ կերակրատեսակների, խոհարարական արտադրատեսակների և կիսապատրաստվածքների համախումբ,  
**ճաշացուցակ**՝ կերակրատեսակների, խոհարարական արտադրատեսակների, խմորեղենի և հացաբուլկեղենի, գնովի ապրանքների ցուցակ, որը վաճառողն առաջարկում է սպառողին՝ զանգվածի և գնի նշումով,  
**Հանրային սննդի օբյեկտներ**՝ հանրային սննդի ծառայության իրականացման համար կառուցված կամ այդ նպատակին հարմարեցված ու սարքավորված շենք, շինություն կամ այլ վայր:
3. Հանրային սննդի օբյեկտները դասակարգվում են հետևյալ տեսակների՝ ճաշարաններ, ռեստորաններ, սրճարաններ, բարեր, բուֆետներ և խոհարարական արտադրանքի պատրաստման և իրացման այլ օբյեկտներ:
4. Հանրային սննդի օբյեկտը պետք է ունենա Հայաստանի Հանրապետության օրենսդրությամբ սահմանված համապատասխան գործունեության թույլտվություն:
5. Հանրային սննդի կազմակերպման ու իրականացման համար թույլտվությունը (հետագայում թույլտվություն) տրվում է Բյուրեղավանի համայնքի ղեկավարի (հետագայում համայնքի



ղեկավար) կողմից Հայաստանի Հանրապետության օրենսդրությամբ նախատեսված կազմակերպական-իրավական բոլոր տեսակի ձեռնարկություններին և անհատ ձեռներեցներին (հետագայում տնտեսվարող սուբյեկտներ)՝ անկախ սեփականության ձևից:

6. Հանրային սննդի կազմակերպման ու իրականացման թույլտվությունների համար սահմանվում է գործողության ժամկետ մեկ տարի:

7. Տրված թույլտվությունների համար գանձվում է տեղական տուրք «Տեղական տուրքերի և վճարների մասին» ՀՀ օրենքով սահմանված կարգով և չափերով:

## 2. ՀԱՆՐԱՅԻՆ ՍՆՆԴԻ ԻՐԱԿԱՆԱՑՄԱՆ ՊԱՅՄԱՆՆԵՐԸ

8. Հանրային սննդի օբյեկտը պետք է ունենա ճաշացուցակ, որտեղ նշվում է կերակրատեսակների, խոհարարական արտադրատեսակների, խմորեղենի և հացաբուլկեղենի, գնովի ապրանքների ցուցակը, որը հանրային սննդի օբյեկտի կողմից առաջարկվում է սպառողին՝ մասնաբաժնի և գնի նշումով:

9. Սպասարկող անձնակազմի անդամները, որոնք անմիջապես առնչվում են սննդի հետ, պետք է ունենան անձնական սանիտարական գրքույկ:

10. Սպասարկող անձնակազմի անդամները պետք է ունենան սանիտարական հագուստ, ինչպես նաև կազմակերպության ղեկավարի կողմից տրված անվանաքարտ՝ լուսանկարով, անվան, ազգանվան և զբաղեցրած պաշտոնի նշմամբ՝ վավերացված ձեռնարկության կնիքով:

11. Հանրային սննդի օբյեկտը պետք է ապահովված լինի տեխնոլոգիական գործընթացն ապահովող համապատասխան սարքավորումներով, այդ թվում օրենքով սահմանված կարգով ստուգաչափված կշեռքներով և չափման այլ համապատասխան թույլատրելի միջոցներով, ինչպես նաև տվյալ հանրային սննդի գործունեությունն իրականացնելու համար նախատեսված գույքով:

12. Ուսումնական հաստատություններում մանկական և բուժկանխարգելիչ կազմակերպություններում գործող հանրային սննդի օբյեկտներում արգելվում է ակոհոլային խմիչքների իրացումը:

## 3. ԹՈՒՅԼՏՎՈՒԹՅԱՆ ՏՐՄԱՆ ԸՆԹԱՑԱԿԱՐԳ

13. Հանրային սննդի կազմակերպման ու իրականացման թույլտվություն ստանալու նպատակով տնտեսվարող սուբյեկտները տեղական ինքնակառավարման մարմին են ներկայացնում.

ա) հայտ՝ համաձայն N 2 ձևի,

բ) հանրային սննդի կազմակերպման վայրի՝ շինության, տաղավարի, կրպակի և այլն, հաստատող փաստաթղթերը,

գ) հիմնադիր փաստաթղթերի պատճենները (եթե տնտեսվարող սուբյեկտը չունի պետական գրանցում, ապա այդ մասին համապատասխան գրառում է կատարվում «հատուկ պահանջներ» մասում),

դ) տեղեկանք տարածքի և սպասարկող անձնակազմի սանիտարահիգիենիկ նորմաներն ապահովելու մասին:

14. Թույլտվություն տալու մասին հայտի բավարարումը ձևակերպվում է համայնքի ղեկավարի որոշմամբ:

15. Թույլտվություն տալու հետ միաժամանակ «Տեղական տուրքերի և վճարների մասին» ՀՀ օրենքին համապատասխան հայտատուից գանձվում է տեղական տուրք:

16. Տեղական տուրքի վճարումը հաստատող անդորրագիրն ստանալուց հետո 3 օրվա ընթացքում հայտատուին է հանձնվում հաստատված թույլտվությունը (N 1 ձև), որը տրվում է ընթացիկ տարվա համար՝ վճարման օրվանից (եթե հայտատուի կողմից այլ ժամկետ չի նշվում):

17. Թույլտվություն ստանալու մասին հայտը մերժվում է, եթե հայտատուին ներկայացրած փաստաթղթերը թերի են, ակնհայտ կեղծ կամ խեղաթյուրված: Թույլտվություն ստանալու մասին հայտը մերժվում է հայտը մուտք լինելու օրվանից 2 օրվա ընթացքում: Թույլտվություն ստանալու



մասին հայտը մերժելու վերաբերյալ որոշման մեջ հստակ պետք է նշվեն մերժման պատճառներն ու իրավական հիմքերը:

18.Սույն կանոններով սահմանված ժամկետում հայտը չմերժվելու դեպքում այն համարվում է բավարարված:

19.Թույլտվությունը չի կարող հայտատուի կողմից փոխանցվել այլ անձի կամ օգտագործվել այլ անձի կողմից:

20.Հանրային սննդի կազմակերպման և իրականացման նպատակով թույլտվություն ստանալու համար տնտեսվարող սուբյեկտները սույն կարգով նախատեսված փաստաթղթերը ներկայացնում են տեղական ինքնակառավարման մարմին:

21.Փաստաթղթերի ընդունումը կատարվում է հաշվառման մատյանում համապատասխան գրանցում կատարելու միջոցով:

22. Տնտեսվարող սուբյեկտի կողմից հայտի ներկայացման օրվանից ոչ ուշ, քան 7 աշխատանքային օրվա ընթացքում կատարվում է ընդունված փաստաթղթերի փաթեթի ուսումնասիրություն և դրական եզրակացության դեպքում համայնքի ղեկավարի հաստատմանն է ներկայացվում թույլտվության վերաբերյալ որոշման նախագիծ:

23. Որոշման ստորագրման օրվանից ոչ ուշ, քան 3 աշխատանքային օրվա ընթացքում լրացվում է համապատասխան թույլտվություն և տրվում տնտեսվարող սուբյեկտին:

24.Անհատ ձեռներեցներին և իրավաբանական անձի կարգավիճակ չունեցող ձեռնարկություններին տրվող թույլտվության մեջ նշվում են թույլտվության գրանցման համարը, պետական ռեգիստրում վկայականի սերիան և համարը, անունը, ազգանունը, հայրանունը, տնտեսական գործունեություն իրականացնելու հասցեն և տեսակը, թույլտվության տրման ամսաթիվը և տնտեսական գործունեություն իրականացնելու ժամկետը:

25. Իրավաբանական անձի կարգավիճակ ունեցող ձեռնարկություններին տրվող թույլտվության մեջ նշվում են կազմակերպ-իրավական տեսակը, ֆիրմայի անվանումը, լիցենզիայի գրանցման համարը, պետական ռեգիստրում գրանցման վկայականի սերիան և համարը, տնտեսական գործունեություն իրականացնելու հասցեն և տեսակը, լիցենզիայի տրման ամսաթիվը և տնտեսական գործունեություն իրականացնելու ժամկետը:

26.Թույլտվության գործունեության ժամկետի երկարացումը իրականացվում է թույլտվության ստանալու համար սահմանված կարգին համապատասխան:

27. Տնտեսվարող սուբյեկտի տնտեսական գործունեությունն իրականացնելու հասցեն փոփոխվելու դեպքում թույլտվությունը ենթակա է վերափոխման ՀՀ օրենսդրության և սույն կարգի համաձայն:

28. Թույլտվության բնօրինակը կորցնելու դեպքում տնտեսվարող սուբյեկտը հայտարարություն է տալիս զանգվածային լրատվության միջոցներում և դիմում է տեղական ինքնակառավարման մարմին կրկնօրինակ ստանալու համար:

#### 4.ԹՈՒՅԼՏՎՈՒԹՅԱՆ ՄԵՐԺՄԱՆ ՊԱՅՄԱՆՆԵՐԸ

29.Գործունեության իրականացման հայտը կարող է մերժվել հետևյալ պատճառներով՝  
ա) թույլտվություն ստանալու համար ներկայացված փաստաթղթերում իրականությանը չհամապատասխանող տեղեկությունների հայտնաբերման դեպքում:

բ) եթե հայտատուի ներկայացված փաստաթղթերը չեն համապատասխանում ՀՀ օրենսդրությանը և սույն կարգի պահանջներին:

գ) եթե խախտվել են սույն կարգով սահմանված սննդի կազմակերպման պայմանները:

#### 5. ԹՈՒՅԼՏՎՈՒԹՅԱՆ ԳՈՐԾՈՂՈՒԹՅԱՆ ԻՐԱՎՈՒՆՔԻ ԴԱԴԱՐԵՑՄԱՆ ՊԱՅՄԱՆՆԵՐԸ

30.Համայնքի ղեկավարի որոշմամբ թույլտվության գործողությունը կարող է ժամանակավորապես դադարեցվել:



31. Թույլտվության գործողության դադարեցման կամ ժամանակավորապես դադարեցման հիմք կարող են հանդիսանալ ՀՀ օրենսդրությամբ վերահսկողությունն իրականացնող գործադիր մարմինների կողմից ներկայացված հիմնավորումների հիման վրա:

32. Արգելվում է թույլտվությամբ նախատեսված գործունեության կասեցումը մինչև դադարեցման կամ ժամանակավոր դադարեցման մասին որոշման ընդունումը:

33. Թույլտվության դադարեցման մասին որոշման ընդունումից հետո 3 շխատանքային օրվա ընթացքում տնտեսվարող սուբյեկտը գրավոր իրազեկվում է որոշման մասին, որին կցվում է քաղվածք որոշումից, իսկ ժամանակավորապես դադարեցման դեպքում նաև թերությունների վերացման միջոցառումների ցանկը:

34. Թույլտվությունը չեղյալ համարելու համար հիմքեր ի հայտ գալու դեպքում թույլտվությունն տված համապատասխան մարմինը սահմանում է ժամկետ տնտեսվարող սուբյեկտի կողմից թույլ տրված խախտումները վերացնելու համար:

35. Սահմանված ժամկետում թույլ տրված խախտումները չվերացնելու դեպքում թույլտվությունը կարող է չեղյալ համարվել այն տրված մարմնի կողմից հետևյալ հիմքերով՝

ա) եթե թույլտվությունն ստանալու համար ներկայացված հայտի և հիմնավորումների մեջ տեղ են գտել իրականությանը չհամապատասխանող տեղեկություններ,

բ) եթե տնտեսվարող սուբյեկտի գործունեությունը վնաս է հասցնում շրջակա միջավայրի կամ մարդկանց առողջությանը,

գ) եթե տնտեսվարող սուբյեկտը չի կատարում թույլտվության մեջ նշված հատուկ պահանջները:

36. Թույլտվության գործողության դադարեցման մասին որոշումը տնտեսվարող սուբյեկտը կարող է բողոքարկել ՀՀ օրենսդրությամբ սահմանված կարգով:

37. Տնտեսվարող սուբյեկտի գործունեության դադարեցման դեպքում թույլտվությունը համարվում է ուժը կորցրած:

## 6. ԵԶՐԱՓՈՎԿԻՉ ԴՐՈՒՅԹՆԵՐ

38. Հանրային սննդի ոլորտին վերաբերվող այն նորմերը, որոնք սահմանված չեն սույն կանոններով, կարգավորվում են Հայաստանի Հանրապետության այլ իրավական ակտերով:

39. Սույն կանոնների խախտումն առաջացնում է պատասխանատվություն՝ Հայաստանի Հանրապետության օրենսդրությամբ սահմանված կարգով:

40. Տնտեսվարող սուբյեկտները ՀՀ օրենսդրությամբ սահմանված կարգով տնտեսական գործունեությունն իրականացնելու ողջ ժամանակահատվածում պատասխանատվություն են կրում հանրային սննդի կազմակերպման կանոնների կատարման համար:



(թույլտվություն տրամադրող համայնքի անվանումը)

ԹՈՒՅԼՏՎՈՒԹՅՈՒՆ

ՀԱՆՐԱՅԻՆ ՄԱՆԴԻ ԿԱԶՄԱԿԵՐՊՄԱՆ ԵՎ ԻՐԱԿԱՆԱՑՄԱՆ ՕԲՅԵԿՏՆԵՐԻ

N \_\_\_\_\_

Տրված \_\_\_\_\_ 20\_\_\_\_թ.

Հայտատու անհատ ձեռնարկատիրոջ անունը, ազգանունը և գտնվելու վայրը կամ իրավաբանական անձի լրիվ անվանումը, կազմակերպա-իրավական ձևը և գտնվելու վայրը, հարկ վճարողի հաշվառման համարը

Գործունեության տեսակի իրականացման վայրը, շինության տեսակը

Թույլտվության գործողության ժամկետը \_\_\_\_\_ 20\_\_\_\_թ.

\_\_\_\_\_մինչև \_\_\_\_\_ 20\_\_\_\_թ. :

(ստորագրություն)

Կ.Տ.



ՀԱՅՏ

ՀԱՄԱՅՆՔԻ ՏԱՐԱԾՔՈՒՄ ՀԱՆՐԱՅԻՆ ՄԱՆԴԻ ԿԱԶՄԱԿԵՐՊՄԱՆ  
ԵՎ ԻՐԱԿԱՆԱՑՄԱՆ ԹՈՒՅԼՏՎՈՒԹՅՈՒՆ ՍՏԱՆԱԼՈՒ

1. Իրավաբանական անձի (կազմակերպության) անվանումը և կազմակերպական իրավական ձևը կամ անհատ ձեռնարկատիրոջ անունը, ազգանունը, հարկ վճարողի հաշվառման համարը

\_\_\_\_\_

2. Կազմակերպության կամ անհատ ձեռնարկատիրոջ գտնվելու վայրը \_\_\_\_\_

3. Գործունեության տեսակի իրականացման վայրը, շինության տեսակը, հեռախոսահամարը, կապի այլ միջոցներ

\_\_\_\_\_

4. Գործունեության անվանումը \_\_\_\_\_

\_\_\_\_\_

5. Թույլտվության ժամկետը \_\_\_\_\_

(նշել թույլտվության պահանջվելիք ժամկետը)

Ներկայացված տեղեկությունների իսկությունը հաստատում եմ:

(կազմակերպության պատասխանատու անձի անունը, հայրանունը, ազգանունը կամ անհատ ձեռնարկատիրոջ անունը, հայրանունը, ազգանունը)

\_\_\_\_\_ 20 \_\_\_\_\_ թ. \_\_\_\_\_

Կ.Տ.

ՀԱՄԱՅՆՔԻ ՂԵԿԱԿԱՐ

Հ. ԲԱԼԱՍՅԱՆ




ՏԵՂԵԿԱՆՔ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ՎԱՐՉԱԿԱՆ ՏԱՐԱԾՔՈՒՄ ՀԱՆՐԱՅԻՆ ՍՆՆԴԻ ԿԱԶՄԱԿԵՐՊՄԱՆ ԵՎ ԻՐԱԿԱՆԱՑՄԱՆ ԿԱՆՈՆՆԵՐԸ ՍԱՀՄԱՆԵԼՈՒ ՄԱՍԻՆ» ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ

«Հայաստանի Հանրապետության Կոտայքի մարզի Բյուրեղավան համայնքի վարչական տարածքում հանրային սննդի կազմակերպման և իրականացման կանոնները սահմանելու մասին» Բյուրեղավան համայնքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՀԱՄԱՅՆՔԻ ՂԵԿԱՎԱՐ




Հ. ԲԱԼԱՍՅԱՆ

ՏԵՂԵԿԱՆՔ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ՎԱՐՉԱԿԱՆ ՏԱՐԱԾՔՈՒՄ ՀԱՆՐԱՅԻՆ ՍՆՆԴԻ ԿԱԶՄԱԿԵՐՊՄԱՆ ԵՎ ԻՐԱԿԱՆԱՑՄԱՆ ԿԱՆՈՆՆԵՐԸ ՍԱՀՄԱՆԵԼՈՒ ՄԱՍԻՆ» ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԲՅՈՒՐԵՂԱՎԱՆ ՀԱՄԱՅՆՔԻ ԲՅՈՒՋԵԻ ԵՎԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍԿԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Հայաստանի Հանրապետության Կոտայքի մարզի Բյուրեղավան համայնքի վարչական տարածքում հանրային սննդի կազմակերպման և իրականացման կանոնները սահմանելու մասին» Բյուրեղավան համայնքի ավագանու որոշման նախագծի ընդունմամբ Բյուրեղավան համայնքի 2018 թվականի բյուջեում եական փոփոխություններ չեն նախատեսվում:

ՀԱՄԱՅՆՔԻ ՂԵԿԱՎԱՐ



Հ. ԲԱԼԱՍՅԱՆ

*Handwritten signature in blue ink*